

Husi

ALFABETIZASAUN ba adultu sira

to'o KURSU FUNDASAUN nia nivel admisaun

MATADALAN
BA PROFESÓR SIRA



Tabe lee-na'in,

Livru ida-ne'e ba profesór sira ne'ebé hanorin kursu alfabetizasaun ba adultu sira.

Livru ida-ne'e bele ajuda profesór sira atu tulun alunu alfabetizasaun, ho nível ne'ebé la hanesan, to'o Kursu Fundasaun nia nível admisaun.

Livru ida-ne'e fó orientasaun ba profesór kona-ba etapa da-haat tuirmai ne'e:

1. Halo diagnóstiku kona-ba alunu sira-nia nível iha alfabetizasaun no numerasia, no kona-ba nesesidade aprendizajen nian.
2. Halo planu ida ba lisaun ne'ebé banati ba alunu sira-nia nesesidade.
3. Ezekuta lisaun nia planu.
4. Avalia alunu sira-nia koñesimentu kona-ba literasia no numerasia.

Sorte di'ak!

Danielle Boon, 06-12-2014

KONTEÚDU SIRA

- | | | |
|----|--|---------|
| 1. | Nivel ne'ebé presiza kona-ba lee, hakerek no numerasia atu tama iha Kursu Fundasaun | páj. 7 |
| 2. | Etapa da-haat atu tulun ita-nia alunu sira to'o Kursu Fundasaun nia nivel admisaun | páj. 9 |
| | Etapa da-1 Ita hatene kona-ba alunu sira-nia nivel no nesesidade aprendizajen | páj. 9 |
| | Etapa da-2 Ita halo planu ida ba lisaun tuir alunu sira-nia nesesidade | páj. 11 |
| | Etapa da-3 Ita ezekuta lisaun nia planu | páj. 13 |
| | Etapa da-4 Ita avalia alunu sira-nia koñesimentu kona-ba literasia no numerasia | páj. 15 |

ANEKSU SIRA

Aneksu ba Etapa da-1

páj. 18

(Ita hatene kona-ba alunu sira-nia nível no nesesidade aprendizajen)

| | |
|-------------------------------|---------|
| Teste sira atu hahú: | páj. 19 |
| 1. Rekoñese letra sira | páj. 20 |
| 2. Lee liafuan sira | páj. 21 |
| 3. Lee fraze sira | páj. 22 |
| 4. Lee testu badak | páj. 23 |
| 5. Hakerek | páj. 24 |
| 6. Numerasia – Númeru sira | páj. 25 |
| 7. Numerasia – Operasaun sira | páj. 26 |

Vizaun jerál hahú nian kona-ba:

| | |
|---|---------|
| a) Nivel leitura no nesesidade aprendizajen nian | páj. 27 |
| b) Nivel hakerek no nesesidade aprendizajen nian | páj. 28 |
| c) Nivel numerasia no nesesidade aprendizajen nian – Númeru sira | páj. 29 |
| d) Nivel numerasia no nesesidade aprendizajen nian – Operasaun sira | páj. 30 |

Aneksu ba Etapa da-2

páj. 31

(Ita halo planu ida ba lisaun tuir alunu sira-nia nesesidade)

| | |
|--|---------|
| Lisaun sira-nia planu ba semana 24 – EZEMPLU | páj. 32 |
|--|---------|

| | |
|----------------------------------|---------|
| Rekursu sira-ne’ebé ita bele uza | páj. 34 |
|----------------------------------|---------|

| | |
|--|---------|
| Lisaun sira-nia planu ba semana 24 – Ita halo ita-nian | páj. 35 |
|--|---------|

Aneksu ba Etapa da-4**páj. 37**

(Ita avalia alunu sira-nia koñesimentu kona-ba literasia no numerasia)

| | |
|-------------------------------|---------|
| Teste finál | páj. 38 |
| 1. Rekoñese letra sira | páj. 39 |
| 2. Lee liafuan sira | páj. 40 |
| 3. Lee fraze sira | páj. 41 |
| 4. Lee testu badak | páj. 42 |
| 5. Hakerek | páj. 43 |
| 6. Numerasia – Númeru sira | páj. 44 |
| 7. Numerasia – Operasaun sira | páj. 45 |

Vizaun jerál iha kursu nia rohan:

| | |
|--|---------|
| a) Nivel leitura no nesesidade aprendizajen nian | páj. 46 |
| b) Nivel hakerek no nesesidade aprendizajen nian | páj. 47 |
| c) Nivel numerasia no nesesidade aprendizajen nian – Númeru sira | páj. 48 |
| d) Nivel numerasia no nesesidade aprendizajen nian – Operasaun sira | páj. 49 |

1. Nivel ne'ebé presiza kona-ba lee, hakerek no numerasia atu tama iha Kursu Fundasaun

Atu **tama** iha **KURSU FUNDASAUN**, foin sa'e no adultu sira tenke hatene kona-ba:

Lee

- Rekoñese alfabetu sira-nia letra (letra boot no letra kiik).
- Lee sílaba sira.
- Lee no kompriende liafuan.
- Lee no kompriende espresaun no fraze; rekoñese letra boot iha fraze nia hahú, espasu sira ne'ebé iha entre liafuan, no pontu ikus.
- Lee no kompriende testu badak.
- Lee naran no apelidu.
- Lee no kompriende liafuan sira iha formuláriu kona-ba sira-nia informasaun rasik, hanesan: tinan hira / data moris, hela fatin (aldeia, suku, sub-distritu, distritu).

Hakerek

- Hakerek letra 26 husi alfabetu (letra boot no kiik).
- Hakerek sílaba.
- Hakerek liafuan (liafuan sira-nia sílaba no liafuan kompletu).
- Hakerek espresaun no fraze; uza letra boot atu hahú no letra kiik atu kontinua, uza espasu entre liafuan sira, no hakerek pontu ikus atu remata.
- Hakerek naran no apelidu.
- Asina.
- Hakerek informasaun báziku kona-ba sira-nia an rasik, hanesan: tinan hira / data moris, hela fatin (aldeia, suku, sub distritu, distritu).

Numerasia:

- Rekoñese númeru sira to'o atus ida no hatene sira-nia naran ho tetun.

- Hakerek númeru sira to'o atus ida, ho númeru no ho liafuan tetun.
- Halo numerasia nia operasaun haat to'o 99:
adisaun (aumenta), subrasaun (hamenus), multiplikasaun (dala),
divizaun (fahe).

2. Etapa da-haat atu tulun ita-nia alunu sira to'o Kursu Fundasaun nia nível admisaun

Etapa 1 Ita hatene kona-ba alunu sira-nia nível no nesesidade aprendizajen:

a) Ita haree alunu ida-idak nia **edukasaun no motivasaun:**

- Sira tuir ona eskola? Sira tuir durante tinan hira? Bainhira?
- Sira tuir ona kursu alfabetizasaun molok kursu ida-ne'e? Bainhira no iha ne'ebé? (porezemplu: *Sim eu posso, Loos Ha'u Bele, Hakat ba Oin, Passo em Frente, Iha Dalan, A Caminho*, ka kursu seluk tan)
- Tanba sá mak sira hakarak aprende (ka hadi'a) lee no hakerek?
- Bainhira kursu ida-ne'e remata, sira hakarak tuir KURSU FUNDASAUN, ka la'e?

b) Ita haree alunu ida-idak nia **nível alfabetizasaun:**

- Saida mak sira bele halo tiha ona kona-ba lee no hakerek?
Atu ita haree alunu sira-nia nível, ita bele uza **teste atu hahú** iha páj. 20-24.
- Ita prienxe vizaun jerál kona-ba ita-nia alunu sira-nia nível alfabetizasaun iha páj. 27-28.

Ita halo diskusaun kona-ba alunu ida-idak nia nesesidade aprendizajen:
Saida mak sira presiza aprende liután kona-ba **lee no hakerek**, atu bele tama iha Kursu Fundasaun?

c) Ita haree alunu ida-idak nia **nível numerasia:**

- Saida mak sira bele halo tiha ona kona-ba numerasia (operasaun 4)?
Atu ita haree alunu sira-nia nível, ita bele uza **teste atu hahú** iha páj. 25-26.

- Ita prenxe vizaun jerál kona-ba ita-nia alunu sira nia nível numerasia iha páj. 29-30.

Ita halo diskusaun kona-ba alunu ida-idak nia nesesidade aprendizajen:
Saida mak sira presiza aprende liu-tan kona-ba **numerasia**, atu bele tama iha Kursu Fundasaun?

Etapa 2 Ita halo planu ida ba lisaun tuir alunu sira-nia nesesidade:

Agora ita hatene tiha ona ita-nia alunu sira-nia nesesidade:

Ita bele uza vizaun jerál kona-ba ita-nia alunu sira-nia nivel alfabetizasaun no numerasia, ne'ebé ita prienxe tiha ona, hanesan baze ida atu hahú.

Ita hanoin kona-ba kestaun sira-ne'e:

- Oinsá mak ita atu hanorin buat ne'ebé alunu sira presiza?
- Ita iha tempu hira atu hanorin konteúdo sira-ne'ebe presiza? Ita iha semana ka fulan hira?
- Lisaun hira mak ita hanorin durante tempu ida-ne'e nia laran?
- Lisaun ida oras hira?
- Saida mak ita atu hanorin iha lisaun ida-idak?
- Lisaun ida-idak inklui lee, hakerek no numerasia?
- Rekursu sira-ne'ebé mak ita bele uza?

Mai ita halo ita-nia planu:

- Ita haree ba exemplu iha páj. 32-33.
- Atu prepara ita-nia planu ba lisaun ida-idak, ita bele uza kuadru mamuk iha páj. 35-36.

Alunu ida-idak iha ita-nia grupu la hanesan:

Sira iha nivel alfabetizasaun no numerasia ne'ebé la hanesan.

Sira iha nesesidade aprendizajen ne'ebé la hanesan!

Etapa 3 Ita ezekuta lisaun nia planu:

Ita prepara didiak lisaun ida-idak: ita uza ita-nia planu ba lisaun.

Ita koko atu uza didiak lisaun nia tempu:

Lisaun ida ho oras rua bele inklui:

1) Lee

Minutu 10: ita repete fila-fali ho alunu sira lisaun ikus nia konteúdu
kona-ba lee

Minutu 10: ita hanorin konteúdu foun kona-ba lee

Minutu 20: ita pratika konteúdu foun sira-ne'e

2) Hakerek

Minutu 10: ita repete fila-fali ho alunu sira lisaun ikus nia konteúdu
kona-ba hakerek

Minutu 10: ita hanorin konteúdu foun kona-ba hakerek

Minutu 20: ita pratika konteúdu foun sira-ne'e

(Ita mós bele halo jogu atu pratika lee no hakerek,
ka ita bele uza rekursu sira-ne'ebé iha: Lafaek, jornál , nst.)

3) Numerasia

Minutu 10: ita repete fila-fali ho alunu sira lisaun ikus nia konteúdu
kona-ba numerasia

Minutu 10: ita hanorin konteúdu foun kona-ba numerasia

Minutu 20: ita pratika konteúdu foun sira-ne'e

Ita halo atividade ne'ebé sentradu iha alunu sira:

- Ita haree katak alunu ida-idak halo atividade tuir sira-nia nesesidade aprendizajen: atividade kona buat ne'ebé sira seidauk bele halo.
- Ita koko atu alunu ida-idak hetan tempu natoon hamutuk ho ita,
 - atu sira bele praktika tuir sira-nia nesesidade aprendizajen,
 - no atu ita bele tuir alunu ida-idak nia progresu.

Ita koko atu halo atividade ne'ebe tuir metodolojia oinoin:

- Di'akliu ita la hanorin deit iha klase nia oin,
ita mós koko atu haruka alunu sira servisu iha grupu kiik, iha pár no mesak deit.

Etapa 4 Ita avalia alunu sira-nia koñesimentu kona-ba literasia no numerasia:

Bainhira ita remata lisaun ikus husi ita-nia planu, ita bele halo ona teste finál atu haree se ita-nia alunu sira hatene ona konteúdu ne'ebé sira presiza, ka la'e.

Ita-nia alunu sira bele halo ona buat ne'ebé sira presiza atu tama iha Kursu Fundasaun?

- Atu ita avalia alunu sira-nia koñesimentu kona-ba **alfabetizasaun**, ita bele uza teste sira kona-ba lee no hakerek iha páj. 39-43
- Ita prienxe vizaun jerál kona-ba **alfabetizasaun** iha páj. 46-47.
- Atu ita avalia alunu sira-nia koñesimentu kona-ba **numerasia**, ita bele uza teste sira kona-ba numerasia iha páj. 44-45.

Ita prienxe vizaun jerál kona-ba **numerasia** iha páj. 48-49.

Ikusliu:

Ita-nia alunu sira bele halo ona karik buat ne'ebé sira presiza atu tama iha Kursu Fundasaun, entaun, ita bele ajuda sira atu halo sira-nia rejistru atu tuir teste admisaun ba Kursu Fundasaun.

Aneksu sira

ba etapa da-1

Teste sira atu hahú:

Lee

Teste atu hahú 1: Rekoñese letra sira

Teste atu hahú 2: Lee liafuan sira

Teste atu hahú 3: Lee fraze sira

Teste atu hahú 4: Lee testu badak

Hakerek

Teste atu hahú 5: Hakerek liafuan no prienxe formuláriu

Numerasia

Teste atu hahú 6: Númeru sira

Teste atu hahú 7: Operasaun sira

Teste atu hahú 1: Rekoñese letra sira

Ita-nia alunu sira bele hatete ona letra sira?

Ita hatudu letra ida-idak ba alunu.

Ita sura letra sira ne'ebé alunu ida-idak hatene.

| | | | | |
|---|---|---|---|---|
| M | O | D | T | V |
| K | B | A | I | J |
| U | S | F | P | Q |
| L | G | R | X | W |
| H | N | E | Z | C |
| | | | | Y |

| | | | | |
|---|---|---|---|---|
| m | o | d | t | v |
| k | b | a | i | j |
| u | s | f | p | q |
| l | g | r | x | w |
| h | n | e | z | c |
| | | | | y |

Teste atu hahú 2: Lee liafuan sira

Ita-nia alunu sira bele lee liafuan sira-ne'e (balun deit)?

Ita hatudu liafuan ida-idak.

Ita sura liafuan sira-ne'ebé alunu ida-idak bele lee didi'ak.

| | | | |
|-----|------|-----|----------|
| 1. | lee | 11. | nian |
| 2. | ida | 12. | foti |
| 3. | uma | 13. | sira |
| 4. | bola | 14. | hotu |
| 5. | oan | 15. | tomak |
| 6. | ba | 16. | labarik |
| 7. | ka | 17. | hanorin |
| 8. | ho | 18. | tarutu |
| 9. | sei | 19. | malirin |
| 10. | boot | 20. | raiseluk |

Teste atu hahú 3: Lee fraze sira

Ita-nia alunu sira bele lee fraze sira-ne'e (balun deit)?

Ita hatudu fraze ida-idak.

Ita sura fraze sira ne'ebé alunu ida-idak lee didi'ak.

| | |
|-----|-------------------------------|
| 1. | Aban, Maria mai. |
| 2. | Paun la iha. |
| 3. | Ita iha uma, ka? |
| 4. | Sira fó bee mai ami. |
| 5. | Ita mai tuku hira? |
| 6. | Labarik ida-ne'e tinan ida. |
| 7. | Hau hakarak ko'alia ho xefe. |
| 8. | Ami servisu iha Viqueque. |
| 9. | Sira hatene uza komputadór. |
| 10. | Tia ida-ne'e nia naran Maria. |

Teste atu hahú 4: Lee testu badak

Ita-nia alunu sira bele lee no komprende testu ida-ne'e?

Ita husu ba ida-idak atu lee testu tuirmai no konta fila-fali testu nia istória.

Maria hela iha Same.

Nia oan na'in haat.

Sabadu, Maria bá merkadu.

Nia sosa modu no dose.

Nia fó dose sira-ne'e ba nia oan.

Nia oan sira gosta han dose.

Teste atu hahú 5: Hakerek

Ita-nia alunu sira bele prienxe formuláriu tuirmai?

1. Naran: _____

2. Data moris: _____

3. Suku: _____

4. Subdistritu: _____

5. Distritu: _____

6. Asinatura: _____

7. Ha'u hakarak estuda tanba _____

Teste atu hahú 6: Numerasia – NÚMERO SIRA

Ita-nia alunu sira bele hatete númeru tuirmai?

Ita-nia alunu sira bele hakerek númeru sira-ne'e ho tetun?

| | Hatete: | Hakerek ho tetun: |
|----|---------|-------------------|
| 7 | | |
| 12 | | |
| 25 | | |
| 38 | | |
| 41 | | |
| 59 | | |
| 63 | | |
| 74 | | |
| 86 | | |
| 97 | | |

Teste atu hahú 7: Numerasia – OPERASAUN SIRA

Ita-nia alunu sira bele sura númeru tuirmai?

Ita sura alunu ida-idak nia resosta loos.

1. $3 + 5 =$ _____
2. $4 + 8 =$ _____
3. $14 + 9 =$ _____
4. $7 - 3 =$ _____
5. $12 - 5 =$ _____
6. $24 - 6 =$ _____
7. $3 \times 4 =$ _____
8. $4 \times 6 =$ _____
9. $9 : 3 =$ _____
10. $16 : 4 =$ _____

Vizaun jerál hahú nian kona-ba:

Nivel LEITURA no nesesidade aprendizagen nian

Saida mak ita-nia alunu ida-idak bele halo ona: ita prienxe ho sinál xis ida: X

Saida mak sira seidauk hatene ka sira pratika tan? Ita prienxe ho sinál menus: -

Vizaun jerál hahú nian kona-ba:

Nivel HAKEREK no nesesidade aprendizajen nian

Saida mak ita-nia alunu ida-idak bele halo ona: ita prienxe ho sinál xis ida: X

Saida mak sira seidauk hatene ka sira pratika tan? Ita prienxe ho sinál menus: -

Vizaun jerál hahú nian kona-ba:

Nivel NUMERASIA no nesesidade aprendizajen nian: NÚMERO SIRA

Saida mak ita-nia alunu ida-idak bele halo ona: ita prienxe ho sinál xis ida: X
Saida mak sira seidauk hatene ka sira pratika tan? Ita prienxe ho sinál menus: -

Vizaun jerál hahú nian kona-ba:

**Nivel NUMERASIA no nesidade aprendizajen nian:
OPERASAUN SIRA**

Saida mak ita-nia alunu ida-idak bele halo ona: ita prienxe ho sinál xis ida: X

Saida mak sira seidauk hatene ka sira pratika tan? Ita prienxe ho sinál menus: -

| Alunu sira-nia naran | NUMERASIA - OPERASAUN SIRA | | | | | | | |
|----------------------|----------------------------|--------|-----------|--------|----------------|--------|----------|--------|
| | Adisaun | | Subrasaun | | Multiplikasaun | | Divizaun | |
| | To'o 20 | 21-100 | To'o 20 | 21-100 | To'o 20 | 21-100 | To'o 20 | 21-100 |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |

ANEKSU SIRA

ba etapa da-2

PLANU LISAUN ba SEMANA 24 (EZEMPLU)

| Semana | Konteúdu: | Rekursu sira-ne'ebé ita bele uza: |
|--------|---|--|
| 1 | Ita halo teste atu hahú ho alunu ida-idak. Ita prienxe vizaun jerál. Ita halo planu ba lisaun ne'ebé banati tuir alunu sira-nia nesesidade aprendizajen | Manuál ida-ne'e " " |
| 2 | Lee no hakerek alfabetu sira-nia letra Formuláriu: Hakerek naran Numerasia: número 1-10 | Hakat ba Oin Livru 1 |
| 3 | Lee no hakerek letra 26 no liafuan-xave Formuláriu: Hakerek naran kompletu no asinatura Numerasia: número 1-10 | Hakat ba Oin Livru 1 |
| 4 | Lee no hakerek liafuan, husi tema 1-5 Formuláriu: Hakerek suku no distritu nia naran Numerasia: número 1-10 ho tetun, no adisaun | Hakat ba Oin livru 2 Tema 1-5: "Balada sira, transporte, uma, hahán, isin-lolon, família" |
| 5 | Lee no hakerek liafuan, husi tema 6-10: Formuláriu: Hakerek naran, asinatura, suku no distritu Numerasia: número 11-20, Dolar 1, 5, 10, 20 | Hakat ba Oin Livru 2 Tema 6-10: "Natureza, servisu, tempu livre, lee no hakerek, cultura lokál" |
| 6 | Lee no hakerek fraze, husi tema 1-5 Formuláriu: Ioron no fulan Numerasia: número 11-20 ho tetun ho adisaun | Hakat ba Oin Livru 3 Tema 1-5: "Transporte, uma, hahán, isin-lolon no saúde, família" |
| 7 | Lee no hakerek fraze, husi tema 6-10 Formuláriu: Data moris Numerasia: Adisaun to'o 20, kalendáriu | Hakat ba Oin Livru 3 Tema 6-10: "Natureza, servisu, tempu livre, lee no hakerek, cultura lokál" |
| 8 | Lee no hakerek testu badak, husi tema 1-5 Formuláriu: seksu, nasalidade, hakerek fila-fali formuláriu kompletu Numerasia: número to'o 100 ho tetun | Hakat ba Oin Livru 4 Tema 1-5: "Transporte, uma, hahán, isin-lolon no saúde, família" |
| 9 | Lee no hakerek testu badak, husi tema 6-10 Formuláriu: número telefone, hakerek fila-fali formuláriu kompletu Numerasia: número to'o 100 ho tetun | Hakat ba Oin Livru 4 Tema 6-10: "Natureza, servisu, tempu livre, lee no hakerek, cultura lokál" |
| 10 | Lee: testu Hakerek: liafuan, fraze no testu Numerasia | Iha Dalan Livru 1 Módulu 1 'Istória' Pratika adisaun no subrasaun |
| 11 | Leitura: testu Eskrita: liafuan, fraze no testu Numerasia | Iha Dalan Livru 1 Módulu 2 'Direitus Umanus' Pratika multiplikasaun |

| Semana | Konteúdu: | Rekursu sira-ne'ebé ita bele uza: |
|---------------|--|---|
| 12 | Leitura: lee testu Eskrita: hakerek liafuan, fraze no testu Numerasia: | Iha Dalan Livru 1 Módulu 3: 'Edukasaun' Pratika divizaun |
| 13 | Leitura: lee testu Eskrita: hakerek liafuan, fraze no testu Numerasia: | Iha Dalan Livru 1 Módulu 4: 'Matemática' |
| 14 | Leitura: lee testu Eskrita: hakerek liafuan, fraze no testu Numerasia: | Iha Dalan Livru 1 Módulu 5: 'Saúde' no Módulu 4 'Matemática' |
| 15 | Leitura: lee testu Eskrita: hakerek liafuan, fraze no testu Numerasia: | Iha Dalan Livru 1 Módulu 6: 'Saúde reprodutiva' no Módulu 4 'Matemática' |
| 16 | Leitura: lee testu Eskrita: hakerek liafuan, fraze no testu Numerasia: | Iha Dalan Livru 1 Módulu 7: 'Ambiente' no Módulu 4 'Matemática' |
| 17 | Leitura: lee testu Eskrita: hakerek liafuan, fraze no testu Numerasia: (bele uza módulu foun atu pratika:) | Iha Dalan Livru 2 Módulu 1: 'Jeografia' "Halo kálkulu iha Merkadu" |
| 18 | Leitura: lee testu Eskrita: hakerek liafuan, fraze no testu Numerasia: (bele uza módulu foun atu pratika:) | Iha Dalan Livru 2 Módulu 2: 'Dalen no komunikasaun' "Halo kálkulu iha Merkadu" |
| 19 | Leitura: lee testu Eskrita: hakerek liafuan, fraze no testu Numerasia: (bele uza módulu foun atu pratika:) | Iha Dalan Livru 2 Módulu 3: 'Organizasaun estadu nian' "Halo kálkulu iha Merkadu" |
| 20 | Leitura: lee testu Eskrita: hakerek liafuan, fraze no testu Numerasia: (bele uza módulu foun atu pratika:) | Iha Dalan Livru 2 Módulu 4: 'Siénsia' "Halo kálkulu iha Merkadu" |
| 21 | Leitura: lee testu Eskrita: hakerek liafuan, fraze no testu Numerasia: | Iha Dalan Livru 2 Módulu 5: 'Agrikultura' Haree filafali Adisaun no Subrasaun |
| 22 | Leitura: lee testu Eskrita: hakerek liafuan, fraze no testu Numerasia: | Iha Dalan Livru 2 Módulu 6: 'Ekonomia' Haree filafali Multiplikasaun |
| 23 | Leitura: lee testu Eskrita: hakerek liafuan, fraze no testu Numerasia: | Iha Dalan Livru 2 Módulu 7: 'Kultura lokál' Haree filafali Divizaun |
| 24 | Alunu ida-idak halo teste finál no ita prienxe vizaun jerál ho rezultadu sira | Manuál ida-ne'e " |

Rekursu sira-ne'ebé ita bele uza:

| | Saida? | Iha ne'ebé ita bele hetan? |
|------------------|---|---|
| Leitura | <u>Téknika:</u> Rekoñese letra sira (letra 26) Lee sílaba sira Lee no kompriende liafuan, rekoñese til, asentu, ifen Lee no kompriende fraze sira, rekoñese letra boot iha fraze nia hahú, rekoñese espasu sira-ne'ebé iha entre liafuan, no pontu ikus. Lee no kompriende testu badak sira | Hakat ba Oin Livru 1 Hakat ba Oin Livru 1 no 2 Iha Dalan Livru 1 no 2 Hakat ba Oin Livru 1 no 2 Iha Dalan Livru 1 no 2 Hakat ba Oin Livru 3 Iha Dalan Livru 1 and 2 Hakat ba Oin Livru 4 Iha Dalan Livru 1 no 2 |
| | <u>Funsionál:</u> Lee naran no apelidu. Rekoñese asinatura. Lee liafuan kona-ba dadus seluk: tinan hira / data moris, hela fatin (aldeia, suku, subdistritu, distritu nia naran) | Hakat ba Oin Livru 1 Hakat ba Oin Livru 1 Hakat ba Oin Livru 2, 3, 4 |
| Eskrita | <u>Téknika:</u> Hakerek letra 26 (boot no kiik) Hakerek liafuan sira (ho sílaba no kompletu) Uza til, asentu, ifen Hakerek fraze sira no testu badak Uza letra boot iha fraze nia hahú no letra kiik tuirmai, uza espasu entre liafuan, hakerek pontu ikus atu remata fraze ida. | Hakat ba Oin Livru 1 Hakat ba Oin Livru 1 no 2 Hakat ba Oin Livru 3 no 4 Iha Dalan Livru 1 no 2 |
| | <u>Funsionál:</u> Hakerek naran, apelidu no asinatura Hakerek dadus sira seluk hanesan tuirmai: tinan hira / data moris, hela fatin (aldeia, suku, subdistritu, distritu nia naran) | Hakat ba Oin Livru 1 Hakat ba Oin Livru 2, 3, 4 |
| Numerasia | Rekoñese númeru to'o 100 no hatete ho tetun Halo operasaun haat (to'o 100): adisaun, subrasaun, multiplikasaun, divizaun | Hakat ba Oin Livru 1, 2 , 3, 4 Iha Dalan Livru 1 Módulu kona-ba Matemátika no Módulu foun kona-ba "Halo kálkulu iha Merkadu" |

Mai ita halo ita-nia planu rasik ba lisaun

| Semana | Konteúdu: | Rekursu sira-ne'ebé ita bele uza: |
|--------|---|-----------------------------------|
| 1 | Ita halo teste atu hahú ho alunu ida-idak Ita prienxe vizaun jerál kona-ba alunu sira-nia nivel no sira-nia nesesidade aprendizajen Ita halo planu ba lisaun ne'ebé banati tuir alunu sira-nia nesesidade aprendizajen | |
| 2 | Leitura Eskrita Numerasia | |
| 3 | Leitura Eskrita Numerasia | |
| 4 | Leitura Eskrita Numerasia | |
| 5 | Leitura Eskrita Numerasia | |
| 6 | Leitura Eskrita Numerasia | |
| 7 | Leitura Eskrita Numerasia | |
| 8 | Leitura Eskrita Numerasia | |
| 9 | Leitura Eskrita Numerasia | |
| 10 | Leitura Eskrita Numerasia | |
| 11 | Leitura Eskrita Numerasia | |
| 12 | Leitura Eskrita Numerasia | |

| Semana | Konteúdu: | Rekursu sira-ne'ebé ita bele uza: |
|---------------|--|--|
| 13 | Leitura Eskrita Numerasia | |
| 14 | Leitura Eskrita Numerasia | |
| 15 | Leitura Eskrita Numerasia | |
| 16 | Leitura Eskrita Numerasia | |
| 17 | Leitura Eskrita Numerasia | |
| 18 | Leitura Eskrita Numerasia | |
| 19 | Leitura Eskrita Numerasia | |
| 20 | Leitura Eskrita Numerasia | |
| 21 | Leitura Eskrita Numerasia | |
| 22 | Leitura Eskrita Numerasia | |
| 23 | Leitura Eskrita Numerasia | |
| 24 | Alunu ida-idak halo teste finál no ita prienxe vizaun jerál ho rezultadu sira | |

ANEKSU SIRA

ba etapa da-4

Teste finál:

Lee

Teste finál 1: Rekoñese letra sira

Teste finál 2: Lee liafuan sira

Teste finál 3: Lee fraze sira

Teste finál 4: Lee testu badak sira

Hakerek

Teste finál 5: Hakerek

Numerasia

Teste finál 6: Númeru sira

Teste finál 7: Operasaun sira

Teste finál 1: Rekoñese letra sira

Ita-nia alunu sira bele hatete ona letra sira?

Ita hatudu letra ida-idak ba alunu.

Ita sura letra sira-ne'ebé alunu ida-idak hatene.

| | | | | |
|---|---|---|---|---|
| O | M | T | D | V |
| K | B | A | I | C |
| S | U | P | F | Q |
| L | G | R | X | W |
| N | H | Z | E | J |
| | | | | Y |

| | | | | |
|---|---|---|---|---|
| o | m | t | d | v |
| k | b | a | i | c |
| s | u | p | f | q |
| l | g | r | x | w |
| n | h | z | e | j |
| | | | | y |

Teste finál 2: Lee liafuan sira

Ita-nia alunu sira bele lee liafuan sira-ne'e (balun deit)?

Ita hatudu liafuan ida-idak.

Ita sura liafuan sira-ne'ebé alunu ida-idak bele lee didi'ak.

| | | | |
|-----|-------|-----|----------|
| 1. | haas | 11. | di'ak |
| 2. | manu | 12. | ohin |
| 3. | fahi | 13. | tenke |
| 4. | paun | 14. | oinsá |
| 5. | Timór | 15. | maibé |
| 6. | la | 16. | nu'udar |
| 7. | ne'e | 17. | daudauk |
| 8. | mós | 18. | ne'ebé |
| 9. | ha'u | 19. | nakfakar |
| 10. | iha | 20. | bainhira |

Teste finál 3: Lee fraze sira

Ita-nia alunu sira bele lee fraze sira-ne'e (balun deit)?

Ita hatudu fraze ida-idak.

Ita sura fraze sira ne'ebé alunu ida-idak lee didi'ak.

| | |
|-----|-----------------------------------|
| 1. | Ohin, Maria mai. |
| 2. | Susubeen la iha. |
| 3. | Ita iha oan, ka? |
| 4. | Sira fó etu mai ami. |
| 5. | Ita bá Dili tuku hira? |
| 6. | Tiu ida-ne'e tinan limanulu. |
| 7. | Ha'u hakarak uza telefone. |
| 8. | Ami servisu iha Manufahi. |
| 9. | Sira hatene ko'alia portugés. |
| 10. | Alin ida-ne'e nia naran Filomena. |

Teste finál 4: Lee testu badak sira

Ita-nia alunu sira bele lee no kompriende testu ida-ne'e?

Ita husu ba ida-idak atu lee testu tuirmai no konta fila-fali testu nia istória.

António hela iha Viqueque.

Nia oan na'in lima.

Domingu, António bá merkadu.

Nia sosa modu no haas.

Nia fó haas ba nia oan sira.

Nia oan sira gosta han haas.

Teste finál 5: Hakerek

Ita-nia alunu sira bele prienxe formuláriu tuirmai?

1. Naran: _____

2. Data moris: _____

3. Suku: _____

4. Subdistritu: _____

5. Distritu: _____

6. Asinatura: _____

7. Ha'u hakarak estuda tanba _____

Teste finál 6: Numerasia - NÚMERO

Ita-nia alunu sira bele hatete número tuirmai?

Ita-nia alunu sira bele hakerek número sira-ne'e ho tetun?

| | Hatete: | Hakerek ho tetun: |
|----|---------|-------------------|
| 9 | | |
| 15 | | |
| 22 | | |
| 31 | | |
| 48 | | |
| 53 | | |
| 69 | | |
| 76 | | |
| 87 | | |
| 94 | | |

Teste finál 7: Numerasia – OPERASAUN SIRA

Ita-nia alunu sira bele sura númeru tuirmai?

Ita sura alunu ida-idak nia resposta loos.

1. $13 + 15 =$ _____

2. $14 + 18 =$ _____

3. $24 + 19 =$ _____

4. $17 - 13 =$ _____

5. $22 - 5 =$ _____

6. $34 - 16 =$ _____

7. $3 \times 15 =$ _____

8. $4 \times 12 =$ _____

9. $15 : 3 =$ _____

10. $32 : 4 =$ _____

Vizaun jerál iha kursu nia rohan

Nivel LEITURA no nesesidade aprendizagen nian

Saida mak ita-nia alunu ida-idak bele halo ona: ita prienxe ho sinál xis ida: X

Saida mak sira seidauk hatene ka sira pratika tan? Ita prienxe ho sinál menus: -

Vizaun jerál iha kursu nia rohan

Nivel HAKEREK no nesesidade aprendizajen nian

Saida mak ita-nia alunu ida-idak bele halo ona: ita prienxe ho sinál xis ida: X

Saida mak sira seidauk hatene ka sira pratika tan? Ita prienxe ho sinál menus: -

Vizaun jerál iha kursu nia rohan:

Nivel NUMERASIA no nesesidade aprendizajen nian: NÚMERO SIRA

Saida mak ita-nia alunu ida-idak bele halo ona: ita prienxe ho sinál xis ida: X
Saida mak sira seidauk hatene ka sira pratika tan? Ita prienxe ho sinál menus: -

Vizaun jerál iha kursu nia rohan:

Nivel NUMERASIA no nesesidade aprendizagen nian: OPERASAUN SIRA

Saida mak ita-nia alunu ida-idak bele halo ona: ita prienxe ho sinál xis ida: X
Saida mak sira seidauk hatene ka sira pratika tan? Ita prienxe ho sinál menus: -



República Democrática de Timor-Leste



Ministério de Educação
Direcção Nacional de Educação Recorrente

Danielle Boon, 06-12-2014